





顏魯公文集卷之十三

錫山安國刊

記

東方先生畫贊碑陰記

東方先生畫贊者晉散騎常侍夏侯湛之所作也湛字孝若父莊為樂陵太守因來觀省遂作斯文贊云大夫諱翔字曼倩平原馱次人魏建安中分馱次為樂陵郡又為郡人焉馱次今移屬樂安郡東去祠廟二百里故馱次城今在平原郡安德縣東北二十二里廟西南一里先生形像今則捏素為之并二細君



侍馬郡嘗為德州其贊開元八年刺史韓公思復刻于石碑真卿去歲拜此郡屬殿中侍御史平公刻監察御史閻公寬李公史魚右金吾曹曹公謩咸以河北採訪使東平王判官巡巡按押至真卿候于境上而先生祠廟不遠道周亟與數公累家兄淄州司馬曜卿長史前洛陽蕭晉用前醴泉尉李伯魚徵君左驍衛兵曹張璠遊尉常宅相朝城主簿常夏有司經正字畢燿族弟渾前參軍鄭悟初同茲謁拜退而遊于中唐則韓之刻石存焉愈嘆其文字纖靡駁雜生金四十年間已不可識真卿於是勒諸他山之石

蓋取其字大可久不復課其上拙故援翰而不辭焉至若先生事跡則載左太史公書漢書風俗通武帝內傳十洲記列仙神仙高士傳此不復紀焉有唐天寶十三載季冬辛卯新建

鮮于氏離堆記

閬州之東百餘里有縣曰新政新政之南數千步有山曰離堆斗入嘉陵江直上數百尺形勝縮壘敵壁峻肅上崢嶸而下迴湫不與衆山相連屬是之謂離堆東面有石堂焉即故京兆尹鮮于君之所開鑿也堂有室廣輪袤文蕭豁洞敞虛聞江聲徹見夬群象



人村川坳若指諸掌堂北磐石之上有九曲流杯池  
馬懸酒螭狖感噴鶴味醜渠股引迥坐環溜若有良  
朋以傾醇酎堂南有茅齋焉遊於斯息於斯聚賓友  
於斯虛而來者實而歸其齋壁間有詩焉皆君舅著  
作郎嚴從君甥殿中侍御史嚴僊之等美君考槃之  
所作也其右有小石廬焉亦可蔭而踞據矣其松竹  
桂博冬青雜樹皆徙他山而栽蒔焉其上方有男官  
觀焉署之曰景福君弟京兆尹叔明至德二年十月  
嘗在尚書司勳員外郎之所奉置也君諱向字仲通  
以字行漁陽人卓尔堅忮毅然抗直易有之曰篤實

輝光書不云乎沉潜剛克君自高曾已降世以財雄  
招徠賢豪施舍不倦至君繼序其流益光弱冠以任  
俠自喜尚未知名乃慷慨發憤於焉卜築養蒙學文  
忘寢與食不四三載展也大成著作奇之勗以賓薦  
無何以進士高第驟登臺省天寶九載以益州大都  
督府長史兼御史中丞持節劔南節度副大使知節  
度事劔南山南西道採訪處置使入為司農少卿遂  
作京兆尹以忤楊國忠貶郡陽郡司馬十有二載秋  
八月除漢陽郡太守冬十有一月終於所任官舍悲  
夫雄圖未伸志業已空塋于縣北表附先塋禮也君



之薨也冢子光祿寺丞昱匍匐迎喪星言泣血自汚  
泝峽湍險萬重肩槁足跼板筇引舳凡今幾年鞍瘃  
在目因心則至豈無僮僕裊昱之季曰尚書都官員  
外郎昺克篤前烈永言孝思懇 志反葬于茲行  
道之人孰不跋而真卿猶子曰紘從父兄故偃師丞  
春卿之子也嘗尉閬中君故舊不遺與之有忘年之  
契叔明昱昺亦篤世親之歡真卿因之又忝憲司之  
寮亟與濟南蹇昂奉以周旋益著通家之好君兄允  
南以司膳司封二郎中弟允臧以三院御史偕與叔  
明首未聯事我是用飽君之故乾元改號上元之歲

秋八月哉生魄猥自刑部侍郎以言事忤旨聖恩全  
宥貶貳于蓬州沿嘉陵而路出新政適會昱以成都  
兵曹取急歸覲遭我乎貴州之朝留遊締歡信宿陘  
峴感今懷昔遂援翰而志之叔明時刺商州昺又申  
掾京兆不同躋陟有限如何帝唐龍集後壬寅仲夏  
己卯朔十五日甲午刻于門序之左右

撫州寶應寺律藏院戒壇記

如來以身口意三業難調伏也淨尸羅以息其內行  
住坐卧四威儀攝善心也明布薩以昭其外故曰波  
羅提木义是汝之師則憍陳如之善來迦葉波之尚



法諸聲聞三歸約衆十四年以八敬度尼羯磨相承其致一也至漢靈帝建寧元年有北天竺五喪門支法領等始於長安譯出四分戒本兼羯磨與大僧受戒至曹魏有天竺十尼自遠而來為尼受其後秦姚萇弘始十一年有梵僧佛佉耶舍譯出四分律本而關內先行僧祇江南盛行十誦至魏法聰律師始闡四分之宗聰傳道覆覆傳慧光光傳雲輝願願傳理隱樂洪雲雲傳遵遵傳智首首傳道宣宣傳洪洪傳法勵勵傳滿意意傳法成成傳大亮道賓亮亮傳雲一賓岍超惠澄澄傳慧欽此皆口相授受臻于壺奧

欽俗姓徐洪州建昌人蓋漢孺子之後也二十二尋師于臨川楮山後五歲削髮隸于高安龍崗寺遂受戒有唐義淨則譯經上足曰洪州之靈傑其秉宣羯

磨者曰兩京滌法

舊集與文粹同石本作兩京清滌使法下文漸缺當考

銳欽

智度冲深神用高爽行無推實身絕開遮闡律藏而日月光明騁辯才而龍象蹴踏江嶺之外凜然風生開元末北遊京充福先大德常誦大涅槃經而講之兼明俱舍論維摩金剛經每登講座其下日有二三千人由是名動輦轂屬祿山作亂杖錫南歸居于西山洪井雙嶺之間慕高僧觀顯之遺蹤於寺北剏置



蘭若山泉之美頗極幽絕欽雖堅持律儀而志在弘濟好讀周易左傳下筆成章著律儀輔演十卷嘗撰本州龍興寺戒壇碑頗見稱於作者三年真卿忝刺撫州東南四里有宋侍中臨川內史謝靈運翻大涅槃經古臺階局儼然軒構摧圯有高行頭陀僧智清者首事修葺安居住持明年秋七月真卿績秩將滿有觀察使尚書御史大夫趙國魏公願以我皇帝降誕之成奏為寶應寺仍請山林高行僧三七人冬十月二十三日聖恩允許於是鼎新輪奐其興也勃焉仍請止觀大師法源法泉襄陽乘覺清源善弘羅浮

圓覺佛跡十喻餘杭慧達裊當州海通海岸等同住薰修以資景福僉以為學徒難增毗尼未立明年三月乃請欽登壇而董振鐸馬仍俾龍崗道幹天台法裔招提智融白馬法胤衡岳正覺同德義盈香城藏選龍興藏志開元明徹等同秉法事於是遠近駿奔道場側塞聖像放光而龍王不雨者四旬僧尼等三百五十七人而文士正議大夫前衛尉少卿張延臯脫俗歸真其名曰壞綱為稱首焉又欽比年已年為受具者凡一萬餘人江嶺湖海之間幅員千餘里像法於變此皆欽教道之力焉臨川在嶺隅未嘗弘律



金山寺記  
於是二衆三百餘人謂法裔敷演而依止之後有上都資聖寺高德曰還本律主偉茲能深辨嗟嘆而贊美之請於寺東南置普通無礙禪院內立鎮國觀音道場請善弘居之以開悟心要雲一上足曰智融精持本事如會尊衆乃命智光等於普通道場東置律藏院剏立戒壇以佇欽公之來儀且施肇紀之不朽經營未幾壇殿鬱興庶乎渡海浮囊分毫絕羅刹之請嚴身瓔珞照耀有摩尼之光則入佛位而披伽梨者名香普薰神足無極其可勝紀而蕪絕乎有唐大曆辛亥歲春三月行撫州刺史魯郡開國公顏真

卿書而誌之

撫州南城縣麻姑山仙壇記

麻姑者葛稚川神仙傳云王遠字方平欲東之括蒼山過吳蔡經家教其尸解如蟬蛇也經去十餘年忽還語家言七月七日王君當來過到期日方平乘羽車駕五龍各異色旌旗導從威儀赫奕如大將也既至坐須臾引見經父兄因遣人與麻姑相問亦莫知麻姑是何神也言玉方平敬報久不行民間今來在此想麻姑能暫來有頃信還但聞其語不見所使人曰麻姑再拜不見忽已五百餘年尊卑有序修敬無



金山安民舍 卷之三十一  
皆思念久煩信承在彼登山顛倒而先被記當按行  
蓬萊今便暫往如是便還還即親觀願不即去如此  
兩時間麻姑來來時不先聞人馬聲既至從官當半  
於方平也麻姑至蔡經亦舉家見之是好女子年十  
八九許頂中作髻餘髮垂之至要其衣有文章而非  
錦綺光彩耀日不可名字皆世所無有也得見方平  
方平為起立坐定各進行厨金盤玉杯無限美膳多  
是諸華而香氣達於內外擗麟脯行之麻姑自言接  
侍以來見東海三為菜田向間蓬萊水乃淺於往者  
會時略半也豈將復還為陸陵乎方平笑曰聖人皆

言海中行復揚塵也麻姑欲見蔡經母及婦經弟婦  
新產數十日麻姑望見之已知曰噫且止勿前即求  
少許米便以擲之墮地即成丹砂方平笑曰姑故年  
少吾了不喜復作此曹狡獪變化也麻姑手似烏爪  
蔡經心中念言背蚌時得此瓜以爬背乃佳也方平  
即知經心中所言乃使人牽經鞭之曰麻姑者神人  
汝何忽其瓜可以爬背邪見鞭著經背亦不見有人  
持鞭者方平告經曰吾鞭不可妄得也大曆三年真  
卿刺撫州按圖經南城縣有麻姑山頂有古壇相傳  
云麻姑於此得道壇東南有池中有紅蓮近忽變碧



今又白矣池北下壇傍有杉松皆偃蓋時聞步虛鍾  
磬之音東南有瀑布淙下三百餘尺東北有石崇觀  
高石中猶有螺蚌殼或以為棄田所變西北有麻源  
謝靈運詩題入華子崗是麻源第三谷恐其處也源  
口有神祈雨驟應開元中道士鄧紫陽於此習道蒙  
召入大同殿修功德二十七年忽見虎駕龍車二人  
執節在庭中顧謂其友竹務猷曰此迎我也可為吾  
奏願欲歸莖木山仍請立廟於壇側玄宗從之天寶  
五載投龍於瀑布石池中有黃龍見玄宗感焉乃命  
增修僊宇真儀侍從雲鶴之類於戲自麻姑發迹於

茲嶺南真遺壇於龜原花姑表異於井山奉女遺士  
黎瓊仙年八十而容色益少僧妙行善瓊仙而居祀  
絕粒紫陽姪男曰德誠繼修香火弟子羣仙出遊  
尊嚴而史玄同左通玄鄒欒華皆清虛服道非  
氣殊異江山炳靈則曷由纂懿流光若斯之盛  
真卿幸承餘烈敢刻金石而志之時則六年夏四月  
也

梁吳興太守柳惲西亭記

湖洲烏程縣南水亭即梁吳興太守柳惲之西亭也  
繚以遠峯浮於清流包括氣象之妙實資遊宴之美



觀夫構宏材披廣榭豁達其外睽眾其中雲軒水榭  
當亭無暑信為仁智之所創制原乎其始則柳吳興  
憚西亭之舊所焉世增崇之不易其地按吳均入東  
記云憚為郡起西亭毗山二亭悉有詩今處士陳羽  
圖記云西亭城西南二里烏程縣南六十步誇言  
為之昔柳憚文暢再典吳興以天監十六年正月所  
起以其在吳興郡理西故名焉文暢嘗與郡士  
均同賦西亭五韻之作由是此亭勝事彌著間歲廢  
為州涼處而有之日月滋深室宇將壞而文人嘉客  
不得極情于茲憤憤排排者久矣邑宰李清請而

之以攄眾君子之意後不煩費財有羨餘人莫之知  
而斯美具也清皇家子名公之胤忠肅明懿以將其  
身清簡仁惠以成其政絃歌二歲而流庸復者六百  
餘室廢田墾者三百頃浮客臻湊迨乎二千種棄畜  
養益於數萬官路有刻石之堦吏厨有滄錢之資敦  
本經久率皆如是畧舉數者其餘可知矣豈必夜魚  
春躍而後見稱哉於戲以清之地高且才而勵精於  
政事何患雲霄之不致乎清之筮仕也兩叅雋人之  
列再移仙尉之任毗贊於蜀邑子男於吳興多為廉  
使盛府之所辟薦則知學詩之訓間緝之心施之於



政不得不然也縣稱緊奮矣今詔升為望清當受代而邑人已軫去思之悲白府願留者屢矣真卿重違耆老之請啟於十連優詔以旌清之美也其不佞忝當分憂共理之寄人安俗阜固有所歸雖無魯臣掣肘之患豈盡子言用力之術由此論之則水堂之功乃餘力也夫知邑莫若州知宰莫若守知而不言無乃過乎今此記述以備其事懼不宣美豈徒媿詞而已哉大曆一紀之首夏也

吳興沈氏述祖德記

南齊徵士吳興沈君名麟士郡人也蘊道德晦于邑

之餘不溪家貧無資以織簾為業故時人號為織簾先生精於禮傳嘗自詁訓宗人吏部郎中淵中書郎約累薦徵為著作郎高卧不起名重江表臨終遺教依皇甫玄宴棺中貯孝經一卷穿壙三尺置棺平土不設机位四時地席玄酒而奠子彛奉而行之吳郡陸惠曉張融皆為之誄徵士嘗製述祖德碑立於金鵝山之先塋年月淹遠風雨蠹蝕朽字殘文翳而莫分乾元中為盜火所襲碑首毀裂欽然將墮過江二十葉孫御史中丞震稜牒郡國請其封葺或屬兵凶曠而莫修忽有朴樹生於龜腹盤根抱趾聳幹夾碑



疑如工造鬱若神化歆者復正危而再堅夫德無名  
過賢而鍾慶神無質假物以申應沈氏積善既遠徵  
士植德既深天將興舊族乎吾知沈之復大也榷檢  
校宗事十九葉於前太廟齋郎怡拜泣松檟增修舊  
塋感先碑之隕覆懼遺文之殘闕乃具他石傳而貳  
焉崇其本所以尊先也建其新所以嗣德也以真卿  
江南婚姻之舊中外伯仲之穆謬忝拜刺見託斯文  
刊諸碑陰以傳無朽因改其樹為慶樹以旌其美焉  
沈氏之故事具於家謀今闕而不紀時有唐大曆八  
年冬十二月

乞御書題額恩勅批荅碑陰記

肅宗皇帝恩許既有斯荅御札垂下而真卿以踈拙  
蒙譴粵若來八月既望貶授蓬州長史裛今上即位  
寶應元年夏五月拜利州刺史屬羗賊圍城不得入  
恩勅追赴上都為今尚書前相國彭城公劉公晏所  
讓授尚書戶部侍郎二年春三月改吏部廣德元年  
秋八月拜江陵尹兼御史大夫充荆南節度觀察處  
置等使未行受代轉尚書右丞明年春正月檢校刑  
部尚書兼御史大夫充朔方行營汾晉等六州宣慰  
使以招諭太師中書令僕固懷恩不行遂知省事永



泰二年春二月貶峽州別駕旬餘移貶吉州大曆三年夏五月蒙除撫州刺史六年閏三月代到秋八月至上元尔來十有六年困於踈愚累蒙竄謫其所採碑石迄今委諸巖麓之際未遑崇樹七年秋九月歸自東京起家蒙除湖州刺史來年春正月至任州東有苕霅兩溪溪左有放生池焉即我寶應元聖文武皇帝所置也州西有白鶴山山多樂石於是採而斷之命吏幹磨礱之家僮鐫刻之建于州之駱馳橋東蓋以杼臣下追遠之誠昭先帝生成之德額既未立追思莫逮客或請先帝所賜勅書批荅荅中諸事以

緝而勒之真卿從焉勒願斯畢瞻慕不足遂志諸碑陰庶乎乾象昭回與宇宙而終始天文煥發將日月而齊暉時則有唐大曆九年青龍甲寅之歲孟甲子之日也

### 吳興地記

烏程縣

舊紫今望鄉四十里二百東去

州

南去杭州一百八十九里西北去揚州六百四十七里西去宣州三百一十七里北去東都二千八百七十五里北去上都三千七百七十六里

### 帝顓頊塚

### 吳大帝陵



吳景帝陵

鈕皇后陵

吳丹陽太守蕪湖侯太史慈墓

吳大將軍朱治墓

吳蕩寇將軍程普墓

晉侍中羅含墓

晉黃門侍郎潘尼墓

齊宣城太守丘靈鞠墓

梁中書侍郎丘遲墓

梁司空康絢墳墓

長城縣

陳五兵尚書唐宗墓

大雷山

芳巖

震澤

若溪

吳王夫槩廟

陳景帝陵

陳錢皇后陵

陳昭烈王陵



謝安墓

殷仲文墓

陳武帝故宅

陳文帝故宅

吳均故宅

陳氏五主屏風

陳高祖竹帳

國朝高僧南山律主道宣

安吉縣

天目山

崑山

橫溪

梅溪

蛟龍溪池

翔鳳林

裴子野故宅

周弘讓故宅

姚萇雉尾扇

施世英金鍾

山川

易山安氏館

易山文集卷之三

十五



卞山

法華寺

金井玉澗

乳竇石膏溫泉

項王走馬埒

項王飲馬池

項王繫馬石

衡山

帝顓頊塚

春秋鳩茲城

峴山

顯亭故別駕李適之石酒樽五花亭

杼山

妙喜寺黃浦橋

避它城

何楷釣臺

升山

吳均入東記

晉吳興太守王羲之烏亭

金蓋山



何氏書堂

張邵丘道柞禪幽寺

太湖周廻四萬八千頃

霅溪

白蘋洲

顏魯公文集卷之十三

顏魯公文集卷之十四

記

宋州官吏八關齋會報德記

敘石幢事附

夫德之所感滄骨髓而非深誠之所至去神明而何

遠有唐大曆壬子歲州宋八關齋會者此都人士衆

文武將吏朝散大夫使持節宋州諸軍事行宋州刺

史兼侍御史本州團練守捉使賜紫金魚袋徐向等

奉為河南節度觀察使開府儀同三司太子太師左

右僕射知省事兼御史大夫汴州刺史上柱國信都



錫山安國刊





郡王田公頃疾良已之所建也公名神功冀州南宮人稟元和之粹靈膺期運以傑出舍弘厚下正直率先起孝而德感生人竭忠而精貫白日衆必資於寬簡安人務在於撫柔况乎武藝絕倫英謀沉秘所向而前無強敵日新而學有緝熙故能殿天子之邦鬱蒼生之望有日矣羯搆逆公以平盧節將佐令右僕射李公忠臣收滄德攻相州拒杏園守陳留許叔冀降而陷焉思明懼忠臣圖已令公佐南德信隨劉從諫收江淮至宋州欲襲李銑公斬德信走從諫遂并其衆而報焉肅宗大悅拜公鴻臚卿再襲敬釭於

平之拜御史大夫加開府充兗鄆節度破法子營又時宋州刺史李岑爲賊所圍副元帥李光弼請公討平之拜御史大夫加開府充兗鄆節度破法子營又詩敬釭歸順焉史朝義聞之奔下搏投范陽自縊死廣德元年授戶部尚書封信都郡王上幸陝公首末扈從都知六年兵馬每食宿公皆躬自省視上感焉方委以政事公涕泣固辭而止二年拜汴宋節度遷兵部大曆二年加右僕射封母清州張氏爲趙國夫人妻信安郡王禕女爲涼國夫人太夫人慈和勤



儉睦于親黨公性純孝居常不離左右閱讀書史或時疾病公輒累月不茹葷家中禮懺不絕仍造崇夏弘聖二寺以祈福祐五年兼判左僕射知省事加太子太師公德厚量深勞謙重慎功既高而心益下位彌大而體益恭故遠無不懷邇無不肅令夏四月忽嬰熱疾沉頓累旬積善降祥勿藥逆喜鷹犬之翫悉皆弃捨羣帥感焉無復戈獵四履之內咸懷歡欣睢陽之人踊躍尤甚乃咨于州將曰昔我公之陷賊也至敝邑而首誅德信李岑之見圍也破其黨而克保城池是即我公再有大造于敝邑矣微我公之救恤

當是今字

當是十字

則皆死於鋒鏑入於煎熬矣尚何能保完家室嬉戲鄉井者乎不資齋明何以報德徐公悅而從之來五月八日首以俸錢三十萬設八關大會飯千僧于開元伽藍將佐爭承唯恐居後已而州縣官吏長史苗藏實等設一千五百人爲一會鎮遏團練官健副使孫琳等設五百人爲一會耆壽百姓張烈等設五千人爲一會法筵等供仄塞於郊垆贊唄香花喧填於晝夜其餘鄉村聚落來往舟車聞風而靡督自勤聳惠而沐先胥懋者又不可勝數矣非夫美政淳深德風汪濊則何以感人若此其至者乎某叨接好仁飽



承餘烈覩茲盛美益覲求蒙若不垂諸將來則記事者奚述

敘石幢事 宋州刺史崔倬

會昌中有詔大除佛寺凡鎔塑繪刻堂閣殿宇關於佛祠者焚滅銷破一無遺餘遣御史覆視之州縣震畏至於碑幢銘鏤贊述之類亦皆毀折瘞藏之此州開元寺先有太師魯郡顏公以郡守僚吏州人等爲連師田氏八關齋會鐫記大幢立石袤丈而圍再幾尋程材臣異八觚如砥偉詞逸翰龍躍鸞翔時刺史邑宰以其大不

當是巨字

當是求字

可拆遂鑿鑿缺敗以什之蓋三面僅存委埋于土倬大中己巳歲守郡明年嘗暇日訪求前賢事蹟郡從事涂君因言有魯公石幢索而得之壇壤之下癡瘕壞失文義乖絕尋譯研究不可復知意其邑居之中必有藏錄其文者果於前刺史唐氏之家得其模石本末完備炳然輝耀溢目倬自幼學慕習魯公書法纔不能窺涉其門宇然惜其高蹤堙沒遂命攻治其傷殘補續其次雖真贗懸迤越貂狗相屬且復瞻仰魯公遺文昭示於後矣大中五年正月一日敘



通議大夫守太子賓客東都副留守雲騎尉  
贈尚書左僕射博陵崔孝公宅陋室銘記

公諱沔字若冲博陵安平人其先出于齊太公之後  
自亭伯三世文宗祕書監六派別叔軌季則俱死  
王神謙神通並高循績子彭弘度以武幹稱景雋巨  
倫以文行著繼方面者累代列史傳者十人奕葉相  
仍恒爲鼎族曾祖弘峻隋銀青光祿大夫趙王長史  
祖儼皇朝益州雒縣令父暄年未四十爲庫部員外  
郎因擇能吏爲壽安令又充江西道廉察使徙醴泉  
遂歷四邑盤桓不進以剛正也累至朝散大夫汝州

長史封安平縣男贈衛尉少卿公即安平之次子也  
全德天至成人玉立蓋聖代之寶臣華宗之孝子文  
章之哲匠禮樂之祖師既不可以一名又何能以悉  
數年二十四舉鄉貢進士考功郎李迥秀器異之曰  
王佐才也遂擢高第其年舉賢良方正對策萬數公  
獨居第一而兄渾亦在甲科典試官梁載言陳子昂  
歎曰雖公孫黽郤不及也召見前殿拜麟臺校書郎  
繇是名蓋天下御史張思敬以德行薦久之以資授  
陸渾主簿平陽王敬暉弘度外之交畧上官之禮丁  
府君憂外除太夫人勉起之以所試超邁擢拜左補



金一... 卷之十四  
闕遷殿中侍御史奉敕按竊金者公得其情許之不  
死竟得減論諸王或恃貴不遵法度舉而按之其不  
吐茹也如此尋遷起居舍人當扈從以親老抗疏乞  
退薦琅琊王丘太原郭潁渤海封希顏等自代睿宗  
嘉之特許留司以遂其孝養遷祠部員外郎倖僧有  
請度人者公拒不奉詔遷給事中大理卿韓思復用  
法小差權臣致劾公特寬之遷中書舍人省改紫薇  
其官仍舊又固辭以親老除虞部郎中開元初攝御  
史中丞或訟吏曹之不平公與崔泰之銜命詳理多  
所收拔俄而即真兼都畿按察使歲或不稔公請發

當是政字

粟賑貸之賴全活者以萬數內謁者霍玄忠有罪公  
執之以聞玄宗使以璽書勞之公之澄清申外也以  
畿縣令長陸景融劉體微盧暉有異政丞尉宋遙皇  
甫翼陳希烈宋鼎蕭隱之范冬芬楊慎餘劉日正高  
昌寓州椽李瑱裴曠等並以清白吏能而薦之二十  
二年置十道採訪使公所舉六人在焉執事子有不  
去者公舉之不回移著作郎尋遷秘書少監修圖書  
使尋判大理卿禮部侍郎公既職司典禮乃刪寫疏  
論數百卷以備闕遺特加朝散大夫遷左庶子丁太  
夫人憂徵拜中書侍郎出為魏州刺史乃肇移元城

易山... 卷之十四



徙置新市吏人便之乙丑歲玄宗東封知頓奏課第一賜絹二百疋嶽下觀禮獻慶雲頌又賜絹一百疋明年入朝分掌十銓公與王丘爲選人所歌曰沔人澄明澈底清丘山介直連天峻時人躡之還州以理有異績御史大夫崔隱甫中丞宇文融朝服表薦壘書寵慰無何徵拜左散騎常侍上以六宮親蠶絲賜近臣公獻御絲賦又侍讌別殿賦端午詩屢蒙錫以縑帛絲羅兼判國子祭酒俄充東都副留守十七年有事陵廟追贈安平公及太君日安

駕還

罷留守二十年春奉敕撰龍門公宴詩序賜絹百疋

延入集賢院修老子道德經疏行於天下二十一年遷秘書監修撰如故屬耕籍田爲居守賜絹百疋遷太子賓客出兼懷州刺史二十四年罷州又以本官充東都副留守累加通議大夫二十七年冬十一月有七日寢疾薨于位春秋六十有七玄宗震悼贈禮部尚書葬日量借手力幔幙故吏前監察御史博陵崔頌爲公行狀云公德充符契精貫人極孝愛聞於天下制作垂於無窮執太夫人之喪徒跣吐血以身爲糞土况乎舍弘內恕夷坦外名德至矣乎今之達者若以富貴崇德行藏養高則老萊闕於祭親黔婁



編於謀道又加於古人矣故養則致其樂喪則過乎  
哀以兄弟之感亞其親甥姪之慈甚其子至於藥砭  
備物溫清異宜手脰杵臼之間身辱澣濯之伍汲汲  
然矣每至宗廟心齋嚴恭祀事明發不寐翌日餘悲  
故聲氣感人者深儀形化人者遠躬踐五德退讓於  
恭儉溫良行張四維加信於仁義禮智而老驥伏櫪  
以鮑驄不忘白鳩巢檐以家瑞終黔則非殊倫絕輩  
擬議乎萬一矣太常博士裴惣議曰公醇一誕靈文  
明含粹蹈元和以爲天性籍間氣以爲人師前後歷  
官或拜而不至或至而不留瘠形瞽目誓遵孝養可

不謂孝乎遂謚曰孝公凡所著文集二十九卷并嗣  
子祐甫論次先志一卷爲三十卷吏部員外郎趙郡  
李華爲集序云公之待親也孝達乎神祇居憂也哀  
貫乎天地喪期有數而茹毒終身親交隣里飢者待  
公而炊寒者待公而裘蒸嘗之奠待公而具故祿廩  
雖厚而未嘗足也傳祖禰之美合於禮經見公文章  
知行事則人倫之序理亂之源備矣祐甫純行而文  
直清而和希公門者謂公存焉亡賢數載如此初太  
夫人患目公傾家求醫或曰療之必愈恐壽不得延  
太夫人及公悲恨而罷自是端力奉養不脫冠帶者



僅三十年每至良辰美景勝引佳遊必扶侍左右笑  
言陳說親朋往來莫知太夫人之有苦也公年官雖  
高至於食果蔬菜與子姪躬自植藝澆灌以申馨潔  
泉終喪雖見孩稚者必設位束帶盡哀以禮之公與  
江夏李邕友善為校書郎時引邕館於祕閣之下讀  
書者累年邕由是才名益盛邕與尚書席建侯嘗過  
公恠乘馬癯羸曰何不於廳前自觀銖飼忽然致殞  
何以更之公唯而不易他日二公又以為言公良久  
則曰每欲發言恐涉有疑於廝養者所以沉吟自媿  
二公退而謂人曰每想崔公此言使人慙慙如醉延

和太極之間公既留司東都遂鬻所乘馬就故人監  
祭御史張洸子深河南府崇政坊買宅以製居建宗  
廟於西南維先太夫人安平郡夫人堂在宅之中儉  
而不陋淨而不華六十餘年榱棟如故堂東嫂盧夫  
人所居堂之東北鄭氏李氏姊歸寧所居堂之北五  
步之外建瓦堂三間以居之雜用舊椽不崇壇無楮  
聖累歷清要所得祿秩但奉蒸嘗資嫂妹給孤幼營  
甥姪婚姻而已朝衣服馬一皆取其下者唯祭器祭  
服稱禮焉其室竟不修衆夫人太原郡太夫人王氏  
捐牀帳之後公徙居他室或在賓館而無常所為常



侍時著陋室銘以自廣天寶末子孫灑掃貯書籍劍履而已逆胡再陷洛陽屋遂崩圯唯簷下廢井存焉長子成甫倜儻有才名進士校書郎早卒祐甫能荷先業以進士高第累登臺省至吏部郎中充永平軍節度使尚書李公勉行軍司馬兼侍御史中丞永懷先德明發不寐恐茂烈湮淪罔垂後裔乃刻陋室銘於井北遺址之前以抒所心其夙仰名教實欽孝公之盛德晚聯臺閣竊慕中丞之象賢又能好我不遺見託論譔採風猷而莫窮乃一涉泉海而豈究津涯操筆強名退增戰慙時即大曆十一年青龍景辰孟

夏之月也

撫州寶應寺翻經臺記

撫州城東南四里有翻經臺宋康樂侯謝公元嘉年初於此翻譯涅槃經因以為號公諱靈運陳郡陽夏人也祖玄晉車騎將軍父瓊祕書郎公幼穎悟好學博覽羣書文章之美江左莫逮以襲祖爵世人宗之盛稱謝康樂初為劉毅衛軍從事中郎太子左率出為永嘉太守郡有各山水公素愛好肆意遨遊稱疾去職於始寧縣修營故墅傍山帶江盡幽居之美因著山居賦并自註之與隱士王弘之等遊放為娛有



終焉之志每一詩至都邑莫不競寫宿昔之間士庶  
皆遍徵為祕書監再召不赴太祖使范泰與書敦獎  
之乃出就職尋遷侍中日夕引見賞遇甚厚多疾不  
朝賜假東歸免官與從弟惠連東海何長瑜穎川荀  
道雍泰山羊璿之以文章賞會時人謂之四友尋山  
登真常着木屐上則去其前齒下則去其後齒會稽  
太守孟顛事佛精懇公謂之曰得道應須惠業丈人  
生天應在靈運前成佛必在靈運後顛深恨此言後  
遂表公有異志公馳出自陳太祖知見誣除臨川內  
史公以曇無讖所翻大涅槃經語小小朴質不甚流

靡品數踈簡初學者難以措懷乃與沙門范惠嚴崔  
慧觀依舊泥洹經共為潤色勒成三十六卷義理昭  
暢質文相宣歷代寶之盛行於天下其餘感神徵應  
具如高僧傳所說邈乎階扃不改棟宇具無真卿叨  
刺是邦茲用愼息有高行頭陀僧智濬緒發洪誓精  
心住持請以佛跡寺僧什喻仙臺觀道士譚仙岳同  
力增修指期恢復自是法堂之遺構克崇先達之高  
蹤百里而遙四山不逼三休而上十地方超經行之  
業既崇斗藪之功斯赫大曆己酉歲四月丙午都人  
士庶相與大會設嚴供而落焉以真卿業于斯文見



咨紀述後之君子其忘增修乎銘曰

摩訶般若解脫法身是則涅槃衆經中尊曇無摩訶  
嚴觀是因實賴同德弘茲法輪謝公發揮精義入神  
理絕史野文兼都彬一垂刊削百代咸遵遺跡忽睹  
高臺嶙峋載悲祖謝曷踐音塵真卿愀然憫故孰新  
檀那衣鉢悉力經綸不日復之周邦仰仁緬懷孰慕  
予亦何人徒頭神交愧非德隣刻銘金石永永不泯

張長史十二意筆法意記

予罷秩醴泉特詣京洛訪金吾長史張公公請師筆  
法長史于時在裴徽宅憇止有羣衆師張公求筆法

或有得者皆曰神妙僕頃在長安二年師事張公皆  
大笑而已即對以草書或三紙五紙皆乘興而散不  
復有得其言者僕自再於洛下相見眷然不替僕因  
問裴微足下師張長史有何所得曰但書得絹屏素  
數十軸亦嘗論諸筆法唯言倍加功學臨寫書法當  
自悟耳僕自停裴家月餘日因與裴微從長史言語  
散却迴京師前請曰既承九丈獎諭日月滋深夙夜  
工勤溺於翰墨儻得聞筆法要訣終爲師學以冀至  
於能妙豈任感戴之誠也長史良久不言乃左右眄  
視拂然而起僕乃從行歸東竹林院小堂張公乃當



堂踞牀而坐命僕居於小榻而曰筆法玄微難妄傳授非志士高人詎可與言要妙也書之求能且攻真草今以授之可須思妙乃曰天平謂橫子知之乎僕思以對之曰常聞長史示令每爲一平畫皆須令縱橫有象此豈非其謂乎長史乃笑曰然而又問曰直謂縱子知之乎曰豈不謂直者從不令邪曲之謂乎曰均謂間子知之乎曰嘗蒙示以間不容光之謂乎曰密謂際子知之乎曰豈不爲築鋒下筆皆令宛成不令其踈之謂乎曰鋒爲末子知之乎豈不謂以末成畫使其鋒健之謂乎曰力謂骨體子知之乎曰豈

不謂趣筆則點畫皆有筋骨字體自然雄媚之謂乎曰轉輕謂屈折子知之乎曰豈不謂鈎筆轉角折鋒輕過亦謂轉角爲閭闊過之謂乎曰決謂牽製子知之乎曰豈不謂爲牽爲製決意挫鋒使不怯滯令險峻而成以謂之決乎曰補謂之不足子知之乎曰豈不謂結點畫或有失趣者則以別點畫旁救之謂乎曰損謂有餘子知之乎曰豈不謂趣長筆短常使意勢有餘點畫若不足之謂乎曰巧謂布置子知之乎曰豈不謂欲書先預想字形布置令其平穩或意外字體令有異勢是謂之巧乎曰稱謂大小子知之乎



曰豈不謂大字感之令小小字展之爲大兼令茂密所以爲稱乎長史曰子言頗皆近之矣夫書道之妙煥乎其有旨焉字外之奇言所不能盡世之書者宗二王元常逸跡曾不睥睨筆法之妙遂爾雷同獻之謂之古肥旭謂之今瘦古今旣殊肥瘦頗反如自省覽有異衆說芝鍾巧趣精細殆同始自機神肥瘦古今豈易致意真跡雖少可得而推逸少至於學鐘勢巧形容及其獨運意疎字緩譬猶楚晉習夏不能無楚過言不悞未爲篤論又子敬之不逮逸少猶逸少之不逮元常學子敬者畫虎也學元常者畫龍也余

雖不習久得其道不問之言必慕之歟儻有巧思思盈半矣子其勉之工精勤悉自當妙矣真卿前請曰幸蒙長史傳授筆法敢問工書之妙如何得齊於古人張公曰妙在執筆今其圓轉勿使拘攣其次諸法須口傳手授之訣勿使無度所謂筆法也其次在於布置不慢不越巧使合宜其次紙筆精佳其次諸變適懷縱捨規矩五者備矣然後齊於古人矣敢問執筆之理頗得長史曰予傳授筆法之老舅彥遠曰吾聞昔日說書若學有工而跡不至後聞於褚河南曰用筆當須如印泥畫沙思所以不悟後於江島遇見



沙地平淨令人意悅欲書乃偶以利鋒畫其勁險之  
狀明利媚好乃悟用筆而錐畫沙使其藏鋒畫乃沉  
著當其用鋒常欲使其透過紙背此功成之極矣真  
草用筆悉如畫沙則其道至矣是乃其迹可久自然  
齊古人矣但思此理以專想工用故其點畫不得妄  
動子其書紳余遂銘謝再拜逡巡而退自此得攻書  
之術于茲五年真草自知可成矣 平直均密鋒力轉  
決補損巧稱為十二意

顏魯公文集卷之一四

顏魯公文集卷之十五

錫山安國刊

詩

題杼山癸亭

亭陸鴻漸所  
創得暮字

杼山多幽絕勝事盈跬步前者雖登攀淹留恨晨暮  
及茲紆勝引曾是美無度歛構三癸亭寔惟陸生故  
高賢能剗物疏鑿皆有趣不越方丈間居然雲霄遇  
巍峩倚脩岫曠望臨古渡左右苔石攢低昂桂枝蠹  
山僧狎猿狖巢鳥來枳椇俯視何楷臺傍瞻戴顓路  
遲迴未能下夕照明村樹



謝陸處士杼山折青桂花見寄之什

羣子遊杼山山塞桂花白綠萸含素萼採折自逋客

忽枉岩中詩芳香潤金石全高南越蠹豈謝東堂策

會愜名山期從君恣幽覲

登平望橋下作

登橋試長望望極與天平際海蒹葭色終朝鳧鴈聲

近山猶一作全髮鬢遠水忽微明更覽諸公作知古向題

柱名

登峴山觀李左相石樽聯句

李公登飲處因石為窪樽嘆人事歲年改峴山今古

一白鑿全 綦蕪掩前跡苔蘚餘舊痕裴循叔子尚遺德山

公此廻軒張薦維舟陪高興感昔情彌敦道士藹藹賢

心事依依離別言強蒙峴嶽橫道周迢遞連山根范縉

鮒烈暖林野衆芳揖蘭蓀王德暉映岩足勝賞延高

原魏理遠水明匹練因晴見吳門王修甫陪遊追盛美揆

德欣討論峴器有成形用功資造化元左輔元流霞方

泔淡別鶴遽翩翩劉戎舊規傾逸賞新興麗初暎顏渾

醉後接籬倒歸時騶騎喧楊德元遲迴向遺迹離別益

傷魂常介覽事古興屬送人歸思繁皎然懷賢久徂謝贈

遠空攀援崔張八座欽懿躅高名播乾坤史仲宣松深引



閑步葛弱供險捫陸花氣酒中馥雲華衣上屯權

森沉列胡樹牢落望郊園陸白日半巖岫清風滿

丘樊裴旌麾間翠幄簫鼓來朱輻柳閑路躡雲影

清心澄水源釋萍連浦中嶼竹遶山下村顏景落

全溪暗烟凝半嶺昏顏去日往如復換年凉代温顏

登臨繼風騷義激舊府思李

### 水堂送諸文士戲贈潘丞聯句

居人未可散上客須留著莫唱阿鞞回應云夜半樂

潘詩教刻燭賦酒任連盤酌從他白眼看終戀

青山郭陸林栖非姓許寺住那名約會異永和年

才同建安作羽何煩問更漏但遺儀絃索共說

長句能皆言早歸惡然知殊出處還得同笑詭

雅韻雖暫懼禪心肯拋却皎一宿同高會幾人

歸下若簾開北陸風燭焯南枝論文場苦叨

竊鈞渚甘漂泊弱質幸見容非才誠重諾

### 送耿漳拾遺聯句

堯舜逢明王嚴徐得侍臣分行接三事高興栢梁新

嘖真楚國千山道秦城萬里人鏡中看齒髮河上有煙

塵望闕飛青翰朝天憶紫宸喜來歡宴洽愁去詠

歌頻真顧盼情非一睽携處亦頻吳興賢太守臨水



最殷勤

漳

三言擬五雜組

五雜組繡與錦往復還興又寢不得已病伏枕

五言月夜啜茶聯句

泛花邀坐客代飲引情言陸士脩醒酒宜華席留僧想

獨園薦不須攀月桂何假樹庭萱薦御史秋風勁尚

書北斗尊崔流華淨肌骨疏瀹滌心原真不似春醪

醉何辭綠菽繁書素瓷傳靜夜芳氣滿閑軒士脩

三言重擬五雜組

五雜組甘鹹醋往復還烏與兔不得已韶光度

五言夜宴詠燈聯句

桂酒牽詩興蘭缸照客情士脩詎慙珠乘朗不讓月輪

明張破暗光初白浮雲色轉清真帶花疑在樹比燎

欲分庭畫顧已慙微照開簾識近汀真

三言喜皇甫曾侍御見過南樓翫月

喜嘉客闢前軒天月淨水雲昏真鴈聲苦蟾影寒聞

衰滛滴檀欒陸歡宴處江湖間皇卷翠幕吟嘉句

恨清光留不住李高駕動清角催惜歸華重徘徊畫

露欲晞客將醉猶宛轉照深意陸士脩

七言重聯句



頃持憲簡推高步，獨占詩流橫。素波不是中情深，惠  
好誰能千里遠。經過真卿詩書宛似陪康樂，少長還同  
宴永和夜酌。此時看碾玉晨趨，幾日重鳴珂。皇王用曾

五言送李侍御聯句

吾友駐行輪，遲遲惜上春。真卿東西出餞路，惆悵獨歸  
人。畫歡會期他日，驅馳恨此身。薦須知貢公望，從此  
願相因。

五言翫初月重送聯句

春溪與岸平，初月出溪明。薦土十壁彩寒仍潔，金波  
夜轉清。真卿孤光遠近滿，練色往來輕。真卿望望隨蘭棹

依依出柳城書

五言重送橫飛聯句

春田草未齊，春水滿長溪。真卿上十出餞風，初暖攀光  
日漸西。真卿歸期江上遠，別思月中迷。書

七言大言聯句

高歌閬風步瀛洲。書燁鵬淪鯢食未休。真卿四方上下  
無外頭。真卿一啜頓涸滄溟流。薦

七言小言聯句

長路遙遙吞吐絲。真卿焦螟蚊睫察難知。書

七言樂語聯句

易曰安天宿



苦河既濟真僧喜山新知滿座笑相視真成客歸來  
見妻子畫學生放假偷向市薦

七言囀語聯句

拈餽舐指不知休山欲炙侍立涎交流真過屠大嚼  
肯知羞畫食店門外強淹留薦

七言滑語聯句

雨裏下山踏榆皮真莓苔石橋步難移畫蕪荑醬醋  
喫煮葵全縫靴蠟線油塗錐急逢龍背須且騎李

七言醉語聯句

逢糟遇麴便酩酊全覆車墜馬皆不醒真倒著接離

狂心亂語無人並

五言交集聯句

寒花護月色畫葉占風音畫茲夕無塵慮高雲共片

心真  
卿

刻清遠道士詩因而繼作清遠道士及李太尉詩皮日休所載

附

清遠道士同沈恭子遊虎丘寺有作

我本長殷周遭罹歷秦漢四瀆與五嶽名山

盡幽竄及此窳區中始有近峯翫近峯何鬱

鬱平湖渺瀰漫吟挽川之陰步上山之岸山



金山寺詩集卷之十五  
六  
川共澄澈光彩交凌亂白雲翳欲歸青松忽  
消半客去川島靜人來山鳥散谷深中見日  
崖幽曉非旦聞子盛遊遨風流足詞翰嘉茲  
好松石一言常累嘆勿謂余鬼神忻君共幽  
贊

不到東西寺于今五十春  
謁來從舊賞林壑宛相親  
吳于多藏日秦皇厭聖辰  
劍池穿萬仞盤石坐千人  
金氣騰爲虎琴臺化若神  
登壇仰生一捨宅歎珣珉  
中嶺分雙剎迴巒絕四鄰  
窺臨江海接崇飾四時新  
客有神仙者於茲雅麗陳  
名高清遠峽文聚斗牛津

跡異心寧間轂同質豈均悠然千載後知我揖光塵

李太尉追和

茂苑有靈峰嗟余未遊觀  
藏山在平陸曠谷爲高岸  
岡繞數仞牆巖濬千丈幹  
乃知造化意迴斡資竒翫  
鏐騰昔虎踞劒沒嘗龍煥  
潭黛入海底崙岑聳霄半  
層巒未昇日哀狔寧知旦  
綠篠夏凝陰碧林秋不換  
宜搜旣窈窕迴望何蕭散  
川晴嵐氣收江春雜英亂  
逸人綴清藻前哲留篇翰  
共扣哀玉音皆舒文繡段  
難追彥回賞

回曰凡人所稱常過其實  
唯見虎丘其逾其所聞

徒起興公嘆一夕如



再升含毫星斗爛

皮日休所載

虎丘山有清遠道士詩其所稱自殷周而歷秦漢迄于近代抑二千年求以鬼神自謂亦神怪之甚者格之以清健飾之以俊麗一句一字若奮若搏彼建安詞人儻在不得居其右矣顏太師魯公愛之不暇遂刻于巖際并有繼作李太尉衛公欽清遠之高致慕魯公之素尚又次而和之顏之叙事也與柰之屬思也麗並一時之

家和又幽獨君詩二首本其音愴者古者觀而

樂之余因摠而為和谷幽獨君一篇不知孰氏之作其詞古而悲亦存於篇末太玄曰歎無方易無時然後為鬼神也噫清遠道士果鬼神乎抑道者流乎抑隱君子乎詞則已矣人則吾不知也

五言使過瑤臺寺有懷圓寂上人并序

真卿昔以天寶元年尉醴泉亟過瑤臺寺圓寂上人院秩滿遷監察御史巡覆諸陵而上人已離此寺大曆十三年春二月以刑部尚書謁拜昭陵慨然有懷其詞曰



上人居此寺不出三十年靈法盡無染舊集作萬一法元無著心唯趣禪忽紆塵外軫遠訪世間緣舊本作區中緣及爾不復見支提猶岌然舊本作岌然以真贊校

贈僧皎然詩

秋意西山多別岑紫左次舊集亭屋二癸趾趾鄰什幸元化隱靈蹤始君啓高致誅榛養翹楚鞭草理方穗俯砌披水容逼天掃峰翠境新耳目換物遠風塵異倚石忘世情援雲得真意嘉林幸勿剪禪侶欣可庇衛法大臣過佐游群英萃龍池護清激虎節到漢家徒想嶮頂期于今沒遺記

卷之十五

顏魯公文集補遺

錫山安國刊

裴將軍詩

大君制六合猛將清九垓戰馬若龍虎騰陵何壯哉將軍臨八荒烜赫耀英材劍舞若游電隨風縈且迴登高望天山白雲正崔嵬入陣破驕虜威名雄震雷一射百馬倒再射萬夫開匈奴不敢敵相呼歸去來功成報天子可以畫麟臺

迂獻懿二祖及帝袷議

見唐文粹與廟亨議意同而辭簡故並存



今議者有三一謂獻祖親遠而遷不當祫宜藏主西  
室二謂二祖宜祫食與太祖並昭穆缺東向位三謂  
引二祖祫禘卽太祖永不得全其始宜以二主祔德  
明廟雖然與人神未狀也景帝旣受始封矣百代不  
遷矣而又配天尊無與上至禘祫時暫屈昭穆以申  
孝尊先實明神之意所以教天下之孝也况晉蔡謨  
等有成議不爲無據請大祫享奉獻主東向懿主居  
昭景主居穆重本尚順爲萬代法夫祫合也有如別  
亨德明是乃分食非合食也時議者舉然於是還獻  
懿祖主祫於廟如真卿議

### 千祿字書序

史籀之興備存往制筆削所誤抑有前聞豈唯豕上  
加三蓋亦馬中關五迨斯以降舛謬寔繁積習生常  
爲弊滋甚元孫伯祖故秘書監貞觀中刊正經籍因  
錄字體數紙以示讎校楷書當代共傳號爲顏氏字  
樣懷鈔是賴汗簡攸資時訛頓遷歲久還變後有羣  
書新定字樣是學士杜延業績修雖稍增加然無條  
貫或應出而靡載或詭衆而難依且字書源流起於  
上古自改改篆行隸漸失本真若總據說文便下筆  
多礙當去泰去甚使輕重合宜不揆庸虛久思編輯



頃因閑暇方契宿心遂參校是非較量同異其有義

理全僻罔勿畢該點畫小虧亦無所隱勒成一卷名

曰干祿字書以平上去入四聲為次每轉韻處朱點其上

具言俗通正三體大較則有三體非謂每字總然

偏旁同者不復廣出謂恩及氏回舊召之類是也

字有相亂因而附焉謂彤寬究棹棹之類是也

所謂俗者例皆淺近唯籍帳文案券契樂方非涉雅

言用亦無爽儻能改革善不可加所謂通者相承久

遠可以施表奏牋啓尺牘判狀固免詆訶若須作文

言及選曹銓試兼擇正體用之尤佳

所謂正者並有憑據可以施著述文章對策碑碣將

為允當進士考試理宜必遵正體明經對策貴合經

注本文碑書李作八分任別誨舊則有此區別其故

何哉夫筮仕觀光惟人所急循各貴實有國恒規既

考文辭兼詳翰墨升沉是繫安可忽諸用捨之間尤

須折衷目以干祿義在茲乎綆短汲深誠未達於涯

涘岐多路惑庶有歸於適從如曰不然請俟來哲

### 項王碑陰述

西楚霸王當秦之末與叔梁避讎吳蓋今之湖州

也雖滅秦而宰制天下鬼魄猶思樂茲邦至今廟食



不絕其神靈事跡具竟陵子陸羽所載圖經大曆七年真卿蒙刺是州十二載姦臣伏法恩命追真卿上都 剋期首路竟陵是諗予以故碑顛趾嘗因已而復 之真卿乃命再加崇樹紀之時則仲夏方生明之日

祭伯父豪州刺史文

維乾元元年歲次戊戌十月庚子廿一日庚申第十三姪男銀青光祿大夫使持節饒州諸軍事饒州刺史上輕車都尉丹陽縣開國侯真卿敢昭告于亡伯故朝議大夫豪州刺史府君之靈日者羯胡祿山俶

擾河洛生靈塗炭兵甲靡夷二兄杲卿任常山郡太守忠義憤發首開土門擒斬逆豎挫其凶慝先蓋授衛尉卿兼御史中丞城孤援絕身陷賊庭聖朝哀榮褒贈太子太保甥姪八人李明盧逖等被賊害者並贈五品京官嫂及兒女皆被拘囚睿略昭宣宇宙清廓脫于賊手並得歸京真卿比在平原遭罹凶逆與杲卿同心協德亦著微誠二聖憫焉授戶部侍郎河北採訪招討使又遷工部憲部二尚書再兼御史大夫出爲同蒲饒三州刺史聖恩錫類大門贈華州刺史兄弟兒姪盡蒙國恩允南授膳部郎中允臧授侍



御史威明試太僕丞頰授太子洗馬頂授協律郎頰授秘書省校書郎賜緋魚袋泉明顯頰等並蒙遷改一門之內生死哀榮真卿時赴饒州至東京得申拜掃又方遠辭違伏增感咽謹以清酌庶羞之奠以伯母河南縣君元氏配尚饗

與李太保帖

辭後明日至宅奉送承已當時出

獲重捧袂至今爲恨仲春漸暄不審太保尊體何如真卿粗爾不審初到如何仲承異績以慰瞻係囚中郎張澈往謹附狀不宣謹狀二月十四日刑部尚書

顏真卿狀上李太保大夫公閣下 張澈昨艱難時

首末得力願在麾下有容足處庇之幸甚謹空

奏事官至蒙問增慰馳誠冬閏初寒伏惟太保尊體安適真卿悲疚可言蕃寇推退爲憲之功忝沐深情俱增喜躍前後不逢之信遂闕修狀何時入奏未聞悲係無喻謹還狀不次謹狀閏月十有四日刑部尚書顏真卿狀上李太保大夫公閣下謹空

真卿粗自奉別渴仰何勝昨緣馬奔遂失馳謁想蒙情恕也真卿十五日離家大小俱安洿洿病瘡少愈勿憂爲佳正遠披承益期自愛謹勒叅候不次刑部



尚書顏真卿頓首李太保大夫公閣下千手贊已領  
訖然尚少第二隔恐在書府希更根尋足跡拙抵罪  
聖慈含弘猶佐列藩不遠伊邇省躬荷德恩貸實深  
競慄之誠在物何喻仲春暄甚不審太保尊體何如  
所苦當轉勝也真卿緣驛上無馬私乘泡轉幾死前  
進不得今日始至藍田即便取路不獲執別此情如  
何珍重珍重謹附狀不次謹狀二月十一日硤州別  
駕顏真卿狀上李太保大夫公閣下

與澄

真卿承聞大華嚴會已遂團成取來日要詣彼隨喜

如何如何幸周副老草不悉真卿頓首和南澄師大  
德侍老 十日敬空

與御史帖

真卿謹別上書于御史閣下竊聞尊候平和真卿瞻  
仰瞻仰前所會廟上諸公未悟唯御史論高百寮振  
古未有雜事可置况朝廷自有次序不足念乎真卿  
守政帖

政可守不可不守吾去歲中言事得罪又不能逆道  
苟時爲千古罪人也雖貶居遠方終身不耻緒汝等  
當須會吾之志不可不守也



廣平帖

得示問廣平碑本了來數日故當封呈真卿頓首

修書帖

賊軍未平使僕不憤見故先修書但召諸子弟與語不具真卿

中夏帖

真卿頓首中夏以還暑氣日甚病懶益不喜所爲前欲書石當須稍涼作之也幸不以差緩過之京人來何消息嘉否

文殊帖

近作一文殊師利菩薩碑但欲發揚主上聖意蓋不近文律耳今奉呈充蓋醬之用可乎真卿白

訊後帖

真卿具前楮訊後所苦何如立斯極位雄廷江上佳山秀水在公庭戶想日有樂事甚得佳士相延公高才逸韻自有晉宋間人風坐此肆局不易處上方招致仁者如公之豈久在江左乎行聞迅召以快士議真卿頓首

移蔡帖

貞元元年正月五日真卿自汝移蔡天也天之昭



其可誣乎有唐之德則不朽耳十九日書

顏魯公文集補遺終

已卯十一月十四日活字本校此卷畢

元方





